



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Septiceps Lvthervs, Vbique Sibi, Svis Scriptis contrarius,  
in visitationem Saxoniam**

**Cochlaeus, Johannes**

**Parisiis, 1564**

De constitutionibus Ecclesiasticis, cap. 32.

**urn:nbn:de:hbz:466:1-35803**

De Constitutionibus  
Ecclesiasticis.

## CAP. XXXII.

FAtetur in sua Visitatione Lutherus, multū inordinationis ac mali prouenire ex indiscreta quorundam prædicatione de ordinationibus Ecclesiæ. Velit igitur nunc, vt discretè loquerentur de iisce prædicatores, quia aliqua factæ sicut propter bonam ordinationem & pacem. Quis est verò (Illustriss. Princeps) inter omnes Suermeros & hereticos, qui furiosius vehementiùsque, ac sæpius contra Ecclesiæ instituta vel scripsit vel prædicauit, quàm ipse? Quo enim autore cæpit populus vesci carnibus in Quadragesima & sextis feriis? Contemnere festa, venerationesque solennes sanctorum? Irridere oleum sacrum, aquam & sal, herbâsque benedictas negligere? imò fugere ac maledicere Missas & horas Canonicas? Non alio sanè quàm Luthero: antea enim nihil horum audiebatur. Postquâ enim Theutonicè ad Nobilitatem Germaniæ totâ Papæ potestatem suggillauit, calumniosèque traduxit. Et in Babylone sua scripsit, rogâs, quo iure Papa super nos leges constituat. Quis ei dederit potestatem captiuâdæ libertatis nostræ, per baptismum nobis donatæ? Cùm neque Papa, neque Episcopus, neque vllus hominū habeat ius vnius syllabæ constituendæ super

*Ad Nobilitatem Germaniæ.*

*In cap. Babyl. cap. de Baptismo.*

DE CONSTITUTIONIBVS

*In Assertio-  
ne art. 25.  
& 27.*

*Aduersus  
Ambro. Ca-  
tharinum.*

*In declara-  
tione quo-  
rundã art.  
In Resolu.  
conclu. 25.  
& 26.*

Christianum hominem, nisi id fiat eiusdem consensu. Item in Assertione Articulorum affirmavit, Papam nihil minus quàm Pastorem Ecclesiæ Dei, sed Idolum aduersarium Christo & Euangelio eius. Certum item esse, quòd in manu Ecclesiæ aut Papæ prorsus nõ sit, statuere Articulos fidei, imò nec leges morum seu bonorum operum. Et in visione Danielis. Decreta patrũ arguit tanquã scelerata dogmata Antichristi, & inter facies xij. Antichristi, connumeravit ea quæ in templis sunt & geruntur, delectum item ciborum & ieiuniorum, festorumque dierum multiplicationem, vt omit- tamus infinita alia, quæ pleno furore diuersis libris & sermonibus contra Papam & Ecclesiam diulgauit in populo. Non miror equidem ea inde mala in Germaniæ populos pro- manasse, de quibus adhuc hodie & erube- scunt, & dolent Principes plurimi, omnesque viri boni, quibus vel mica superest, adhuc seu religionis seu honestatis. At decuisset te fra- tremque tuum (Illustrissime Princeps) rebel- lem hunc Apostatam suo sistere Iudici, aut saltem admonere eorum quæ ipse in contra- rium prius scripserat. Nam paulò ante sic scri- pserat in sua declaratione Teuthonica, vtra- que præcepta & Dei Ecclesiæ seruanda esse, præferenda tamen esse mandata Dei. In Reso- lutionibus verò, de potestate Iurisdictionis Papæ in Purgatorium sic dicebat. Statuat Ec- clesia alteram partem eius quæstionis, & se-

quar libentissimè. Ego dubito & disputo, & quantum huc vsque lego & video, teneo negatiuam, paratus tenere affirmatiuam, postquã Ecclesiã sic placuerit. An nondum videmus (inquit) quã vigil sit Christus in Ecclesia sua, vt etiam errare volentes, non permittat errare? Et in decem præceptis, Meo (inquit) iudicio dicam, saluo vniuscuiusque sensu. In hac perdita temporis miseria prorsus non est tutum, relinqui vnumquemque, præsertim simplicioris & rudioris animi hominem suæ deuotioni & discretioni, contra apertos Canones. Cuius ratio est (inquit) quia ideò sunt positi Canones patrum, vt dirigant populum. Et debet vnicuique sua deuotio semper esse suspecta, & tantò magis quantò magis placet, cùm est contra communem vsum vel Decretum Patrum: cùm scias, quòd angelus Satanæ in lucis angelum sese transfigurans, summè sit timendus & cauendus. Qui sub specie deuotionis facilè omnia Decreta solueret. Et illud Deuterò. xij. Iud. xix. Vbi præcipitur, imò prohibetur ac reprehenditur, ne quilibet faciat, quod sibi rectum & bonum videtur.

*De decem  
præcep. c. 3.*

## De potestate Papæ.

### C A P. XXXIII.

**V**Bi hîc quæso incipiam? vbi desinam? tam variæ sanè ac contrariæ sunt Lutheri sen-